

四庫全書

史部

欽定四庫全書

大金集禮卷二十八

儀仗下

皇后鹵簿

皇太子鹵簿

雜錄

皇后鹵簿

大定十九年昭德皇后吉儀用唐令皇后鹵簿共二千八百四十四人清游旗隊三十人執帶橫刀二人夾並

帶弓箭橫刀並平巾幘緋裋襠大口袴金吾衛折衝
都尉一人平巾幘紫裋襠大口袴錦滕蛇銀梁金隱
起帶弓箭橫刀騎

餘折衝果毅
服仗並准此

領四十人並騎平巾

幘緋裋襠大口袴帶橫刀二十人執稍四人帶弩十
六人帶弓箭橫刀二人執爆稍並平巾幘緋衫大口
袴騎夾折衝次虞候伙飛二十八人騎夾道單行帶
弓箭橫刀並平巾幘緋裋襠大口袴分左右均布至
黃麾仗次內僕令在左僕丞一人在右依品服

餘仗
官服

准各書令史二人騎從平巾幘緋衫大口袴餘從人准此

次黃麾一執人騎夾武弁朱衣革帶正道次左右廂黃麾仗廂各三行行列一百人從內第一行短戟五色擎執人並黃地白花綦襖帽行滕鞋襪次外第二行戈五色擎執人並赤地黃花綦襖帽行滕鞋襪次外第三行鍾五色幡執人並青地赤花綦襖帽行滕鞋襪左右領軍衛左右威衛左右武衛左右驍衛左右衛等衛各三行行二十人十人前衛別主帥六人十人後

並平巾幘緋襖襠大口袴被豹文袍帽

領軍衛前後獅子文餘衛

並豹文

執鍬石裝長刀騎領

各分前後

左右領軍衛主帥各

三人服仗同前護後衛別果毅都尉一人被綉袍檢

校各一人步從左右領軍衛各絳引幡六口

三口引前三口

後執人平巾幘緋衫大口袴次內謁者監四人給事

二人內常侍二人內事二人並騎分左右自內謁者監

以後各內給使一人步從次內給使一百二十人並平

巾幘緋衫大口袴分左右單後行盡宮人車次偏扇各

二十四分左右宮人執間綵大袖裙襦綵衣革帶履次
香蹬一內給使四人輦並平巾幘緋衲襠大口袴在重
翟車前重翟車駕四馬駕士二十四人並平巾幘青衫
大口袴鞋襪次行障二具分左右夾車宮人執服同前
次內寺伯二人騎領寺人六分左右夾重翟車並平巾
幘緋衲襠大口袴執御刀次腰輦一執人八團雉扇二
夾輦次大繖四次大雉扇八並分左右橫行為二重次
錦花蓋二單行正道次小雉尾扇朱畫團扇各十二並

橫行次錦曲蓋二十四橫行為二重次錦六柱八扇分
左右自腰輿以下並內給使執服同前次宮人車次絳
麾二分左右各一人執武弁朱衣草帶鞋襪次後黃麾
一執人騎夾二人騎武弁朱衣草帶正道次供奉宮人
在黃麾後次牙門
在次後次厭翟車駕四馬駕士二十四人次
翟車駕四馬駕士二十四人四安車駕四馬駕士二十
四人次四望車駕牛駕士十二人次金根車駕牛駕士
十二人其駕士並平巾幘大口袴鞋襪衫從車色次左

右廂各置牙門二門二人執四人夾並赤綦襖被黃色

第一門在前黃麾前第二門在後黃麾後次左右領軍衛廂各一百五十人

執爻並赤地黃色綦襖帽行滕鞋韞前與黃麾仗齊後

盡鹵簿曲折陪後門廂各主帥四人並平巾幘緋衫大

口袴被黃袍帽

廂獅子文一引前豹文二
在內獅子文一護在後

執鍮石裝長

刀騎檢校次左右領軍衛折衝都尉各一檢校爻仗各

一騎從次盡鹵簿後爻仗內正道置牙門一人數衣服

同前所開牙門並在爻仗行內每牙門皆監門校尉二

人騎監當平巾幘緋襖襠大口袴執銀裝長刀廂各巡
校尉一人騎服仗同前帶銀裝橫刀往來檢校前部鼓
吹人共五百八人鼓吹令府史二捫鼓六金鈺六主帥
四大鼓六十主帥一十長鳴六十主帥三鐃鼓六歌十
二簫十二笳十二主帥二人大橫吹六十節鼓一笛十
二簫十二篳篥十笳十二桃皮篳篥十二主帥五捫鼓
六金鈺六主帥二小鼓六十主帥五中鳴六十主帥三
朞像鼓六歌十二簫十二笳十二主帥二後部鼓吹人

共二百一十五人鼓吹丞一典史二蒯葆鼓六歌十二
簫十二笳十二主帥二鏡鼓六歌十二簫十二笳十二
主帥二小橫吹六十笛十二簫十二篳篥十二笳十二
桃皮篳篥十二主帥四是時鹵簿內重翟等六車改用
圓方輅等及行障坐障錦六柱宮人車供奉宮人各不
見人數再檢討定制度人數

並具圖
陵門

皇太子鹵簿

大定八年正月皇太子受冊後謝廟鹵簿檢討開元開

寶禮全數計二十二十人五禮新儀二十三三百七十三人奏定用一千人中道五百九十二人清游隊二十四人並騎折衝都尉一白澤旗一口五人弩四弓六稍八清道直盪隊一十八人折衝都尉二騎爆稍四騎弓矢十二誕馬四匹控攏八人正直旗隊三十三人果毅都尉一騎重輪旗一口五人馴犀旗二口十人野馬騎旗一口五人馴象二口十人副竿二旗竿細引隊一十四人果毅都尉二騎弓矢六稍六前部鼓吹九十八人並騎

府史二金鉦二柶鼓二大鼓十二長鳴八鐃鼓二簫六
笳四帥兵官二節鼓二小鼓十二中鳴八桃皮篳篥四
歌四拱辰六篳篥六大橫吹十二箛篥二帥兵官二繖
扇下八人梅紅傘二大雉扇四中雉扇二小輿下一十
八人導引官一十二人並騎中允二諭德二庶子二詹
事二太師太傅太保少師少師在金輅後親勲翊衛園子隊七
十四人並騎郎將二儀刀七十二金輅下七十人三衛
隊一十八人執儀刀厭角隊六十二人郎將一騎祥雲旗

五人弩三弓七稍十五並騎又郎將一騎祥雲旗五人
弩三弓七稍十五並騎朱團扇一十六人司禦率府校
尉四騎朱團扇三紫曲盖三朱團扇三紫曲盖三大角
一十八人後部鼓吹五十四人並騎管轄指揮一金鉦
一柶鼓一鐃鼓二簫六歌六篳篥六節鼓一主帥二笛
六笳四拱辰六小橫吹十主帥二後拒隊四十六人果
毅都尉一騎三角獸旗一口五人弩四弓十六稍二十
外仗左壁二百四人牙門旗下十六人並騎牙門一口

三人監門校尉三郎將一班劍九前第一隊二十七人
司禦率府一果毅都尉一折衝都尉一主帥一並騎絳
引幡三首九人麟頭竿二儀鎗斧二弓矢二麟頭竿二
儀鎗斧二朱刀盾二小戟二第二隊第三隊第四隊第
五隊各一十四人與第一部麟頭竿已後同後第一隊
四十七人牙門旗一口三人騎監門校尉三果毅都尉
一並騎絳引幡三首九人鶡鷄旗一口五人稍四弩三
稍四弓矢三稍四弓矢三並騎後第二隊二十九人果

毅都尉一騎網子旗一口五人稍五弩三稍五弓矢三
稍三弓矢四並騎後第三隊二十九人果毅都尉一騎
黃鹿旗一口五人稍五弩三稍五弓矢三稍三弓矢四
並騎右壁二百四人排列相同

大定二十七年三月皇太孫受冊謝廟鹵簿六百人

於前

數減損
用之

雜錄

常朝儀衛執金鍍銀骨朶二人左右扇共一十柄共一

十人左右拂子共四柄四人左右香盒一對左右香毬一對左右節一對左右幢一對各用二人孟子一唾盂一淨巾一鏟鐮一水罐一交椅一各一名執斧一名

常行儀衛弩手二百五人

闕


五員各執金鍍銀蒜辦

骨朶長行二百人列絲骨朶七十七柄爪八十九柄鎧三十四控鶴二百人首領四人各執金鍍銀蒜辦骨朶長行二百人二人穿紫衫導引無執物金吾杖八十根金花大劍六十口

大紅絨結子

儀鎗斧五十八柄

貞元儀式弩手傘子並服紅地藏根牡丹紅錦襖子金
鳳花幘頭金鍍銀束帶



大金集禮卷二十八

欽定四庫全書

吏部

大金集禮卷二十九

詳校官監察御史_臣劉芬

編修_臣程嘉謨覆勘

覆校官中書_臣汪學金

校對官中書_臣王鍾泰

謄錄舉人_臣劉禮

謄錄貢生_臣周世燦

欽定四庫全書

大金集禮卷二十九

輿服上

輅輦

冠服

皇后車服

皇太子車服

輅輦

大定十一年將有事於南郊太常寺檢引宋南郊禮
例鹵簿內合用玉輅金輅象輅革輅木輅耕耜車明

遠車指南車記里車崇德車皮軒車進賢車黃鉞車
白鷺車鸞旗車豹尾車軺車羊車各一革車五屬車
十二令除見有車輅外闕少象輅革輅木輅耕根車
明遠車皮軒車進賢車白鷺車羊車大輦各一革車
三屬車四令檢討五禮新儀并鹵簿圖車輅製度于
下項八年十一月十一日奏定止用玉輅金輅象輅
革輅木輅大輦指南記里車鸞旗車豹尾車進
賢車各一革象輅黃質金塗銅裝以象飾諸末建大
車二屬車八赤餘同玉輅輪衣等以銀褐輪轅以淺黃革輅黃質

輓之以革建大白餘同玉輅輪衣等及輪轆並以黃
木輅黑質漆之建大麾餘同玉輅輪衣等以皂輪轆
以黑

凡玉輅用金鍍銀裝者象
輅革輅木輅並金塗銅裝

耕根車青質蓋二層

制飾如玉輅而無玉飾皮軒車赤質上有漆柱貫五
輪相重畫虎紋一轆進賢車赤質如革車緋輪衣絡
帶門簾並綉鳳工設朱漆床香案紫綾衣一轆明遠
車制如屋撮頂重欄勾欄頂上有金四角垂鐸上層
四面垂簾下層周以花板三轆白鷺車赤質周施花

板上有漆柱柱杪刻木為鷺鷥御鵝毛甬紅綬帶柱
貫五輪相重輪衣皂頂緋裙緋絡帶並綉緋鷺一轅
羊車赤臂兩壁油畫龜文金鳳翅幃衣結帶並綉瑞
羊二轅革車屬車依見有制度成造大輦赤臂五方
油畫金塗銀葉龍鳳裝其上四面施行龍雲朶火珠
方鑑銀絲囊網珠翠結雲龍鈿窠霞子四角龍頭啣
香囊頂輪施耀葉中有銀蓮花坐龍紅綾裏碧牙壓
帖內設圓鑑香囊銀輪勾欄臺坐絲條網幘鍔中施

黃褥上置御座曲几香爐錦結綬几衣輪衣絡帶並
緋綉雲龍寶相花金綫壓長竿四飾以金塗銀龍頭
畫梯托又行馬續檢到五禮新儀車輅制度象輅黃
質金塗銅裝以象飾諸末建大赤餘同玉輅革輅黃
質鞞之以革建大白餘同玉輅又檢到太常因革禮
該自金輅而下其制皆同玉輅即見得製度高下五
輅一同所有見成造三輅合比擬見在金玉輅成造
又五禮新儀凡玉輅之式以青者金輅以緋象輅以

銀褐革輅以黃木輅一皂蓋其間所設之物有合隨輅色者如玉輅用青絲綉雲龍絡帶青羅綉寶相花帶青畫輪轅青犛毛尾此玉輅合用青者若象木革輅則以緋以銀褐以黃以皂也若坐褥踏床褥皆至尊秉銜及步武所及當用紅或黃非若餘物也為觀美也兼五禮新儀玉輅平盤上布紅羅繡雲龍褥鹵簿圖玉輅平盤上布黃褥此所設之褥不隨輅色止用紅黃也今造象木革三輅上所設坐褥並合用紅

黃據已科到踏床褥椅背踏到褥用紅錦已是相應外
有座子合用黃羅綉盤龍地衣薄褥并錦薄褥並用黃
色行馬褥兒用銀褐黃青錦外據元料透背熨簾三副
用銀褐黃皂三色透壁今檢到五禮新儀玉輅上用紅
錦織龍鳳門簾鹵薄圖玉輅青綉門簾比前代多不同
有隨輅色有用別色者今擬用銀褐黃青三色又開元
禮儀鑑該大輦中方八尺左右開四望別無高下尺丈
又檢到宋會要建龍四年陶穀為禮儀使創意造為大

輦至大中祥符初以舊輦太重命減去七百餘觔見得
宋時亦無定制又大輦制度照到鹵簿圖係扶几五禮
新儀却稱曲几有此兩說見得本無定制合以意從長
斟酌銀飾勾欄臺座等既已擬金鍍其銀絲囊網亦合
一類造作鹵簿圖稱其上四面施行龍雲朵火珠方鑑
銀絲囊網見得亦是大輦上面使用物珠翠結雲龍亦
合勒畫人出雲龍形狀以珠翠結之其二項安頓去處
緣典故別無分朗語句只合造作所隨宜斟酌或比擬

其它車輅畫樣安頓

冠服

天眷三年正月以車駕將幸燕京合用通天冠絳紗袍
據見闕名件咨行省依樣成造元畫禮服圖本內名件
袍裳方心曲領中單蔽膝草帶大帶玉具劍綬佩舄襪
乘輿服大綬六采黑黃赤白縹青黃色曰縹綠小綬三色同
大綬間施三玉環大綬五百首小綬半之白玉雙珮草
帶玉鈎釵

皇統元年十月奏稟太常寺申竊見古禮天子黃屋說者為御蓋以黃為裏今來供御織表裏紅羅於古制未合欲乞自今後御紅織並用黃綾為裏以應古制

皇統九年十月二十四日禮部下太常寺畫到鎮圭式樣呈大禮使照驗據三禮圖長一尺二寸廣三寸厚半寸剡上左右各寸半以四鎮山為琢飾用古尺

大定十一年太常寺檢討周禮考工記大圭長三尺杼上終葵首天子服之說者曰王所搢大圭也或謂之珽

自西魏隋唐以來大圭長尺二寸與鎮圭同鎮圭以鎮天下蓋以四鎮山為琢飾舊有鎮圭已依得古制外有大圭依周禮制度杼上終葵首杼殺也終葵椎也今御府有白圭是白玉素圓圭無上殺及首如椎樣按隋書志天子笏曰球長尺二寸以球玉為之唐志亦云天子之珽相承舊制以白玉為之長尺二寸熙豐奏議云西魏以來所制玉笏皆長尺二寸方而不折雖非先王之法蓋以後世難得隨宜為之也今御府所藏白玉圭首

如笏樣蓋宋日所製大圭也將來行禮擬就用

大定十一年九月大禮使劄付禮部下宣徽院前所奏
裏衣冕有無創造通天冠絳紗袍亦合修飾計問得內
藏庫奉聖旨已制成造祕書監見收冠服圖樣下項冕
天板長一尺六寸廣八寸前高八寸五分後高九寸五
分身圓一尺八寸三分并納言並用青羅為表紅羅為
裏週迴用金棱天板下有四柱四面珍珠網結子花素
墜子

舊用金絲網子今
減輕用真珠結造

前後珠旒共二十四旒各長一

尺二寸青碧線織造天河帶一條長一丈二尺濶二寸
兩頭各有真珠金碧旒三節玉滴子節花全紅線組帶
二條上有真珠金翠旒玉滴子節花全下有金鐸子二
箇梅紅線款慢帶一條黹纈二箇真珠垂繫上用金萼
子二箇簪窠款慢組帶鈿窠各二內組帶窠四並玉鏤
塵碾造玉簪一頂方二寸道長一尺二寸

簪頂係鏤
塵雲龍袞

服衣用青羅夾造上五綵間金繪畫日月星辰山龍華

蟲火宗彝

正面目一月一昇龍四山十二上下襟華蟲
火各六對虎雖各對背面星一昇龍四山十

二華蟲火各十二
對虎雖各六對

中單一白羅單造領標襖裳一腰帶

標襖全紅羅八幅夾造上繡出藻粉黼黻

藻三十二粉十六米十六

黼三十二

蔽膝一腰帶標襖全並紅羅夾造上繡昇龍

二條綬一幅六彩織造紅羅托裏小綬三色同大綬銷

金黃羅綬頭全上間施三玉環並碾雲龍造緋白大帶

一條銷金黃羅帶頭全

鈿窠二十四

紅羅勒帛一青羅抹帶

一佩二玉上中下璜各一半月各二並碾雲龍造玉滴

子各二並真珠穿造金篋鈎獸面水葉環子釵子全涼

帶一條紅羅裏縷金造上有玉鵝七箇捷尾束子各一
金攀龍口玳瑁襯釘脚全鳥一對重底紅羅面白綾托
裏如意頭造銷金黃羅緣口玉鼻人真珠全緋羅綿襪
繫帶全

皇后車服

大定十九年檢定皇后車服制二十二年奉都省處分綵
畫樣本付有司 六車 重翟車青質金飾金鍍銅鈿花
葉段裝釘耀葉二十四明金立鳳一紫羅銷金生色寶

相帷一青羅青油幃衣各一朱絲絡網紫羅明金生色
雲龍絡帶各二兩箱明金五彩間裝翟羽二金鍍礪石
長轆鳳頭三橫轆立鸞八香爐香寶子一副宜男錦結
帶金衣紅漆杙子踏床各一挾板扶魚一副紅羅明金
衣褥全紅羅襯褥青羅行道褥四青羅明金生色雲鳳
夾幔一紅羅明金緣紅竹簾二金鍍銅葉斷行馬二胡
梯一青羅胡梯尋儀褥二踏道褥十青絹裱大麻索二
油帕全厭翟車赤質金飾金鍍銅鈸花葉段裝釘耀葉

二十四明金立鳳一倒仙錦帷一紫羅紫油憶衣各一
珠絲絡網宜男錦絡帶各二兩箱明金五綵翟羽二金
鍍礪石長轅鳳頭三橫轅立鸞八香爐香寶子一副宜
男錦結帶全朱紅漆杌子踏床各一紅羅衣褥全紅羅
襯褥一紅羅行道褥四紅羅明金生色夾幔一紅羅明
金綠紅竹簾二金鍍銅葉斷行馬二胡梯一紅羅胡梯
尋儀褥二踏道褥十緋絹褱大麻索二油帕全翟車黃
質金飾礪石葉段裝釘宜男錦帷一黃羅油憶衣各一

朱絲絡網宜男錦帷帶各二兩廂明金五彩翟羽一礪
石長轅鳳頭三香爐香寶子一副宜男錦結帶全朱紅
漆杌子踏床各一紅羅衣褥全紅羅襯褥一黃羅行道
褥四黃羅生色明金幔一紅羅明金紅簾二礪石葉行
馬二胡梯一黃羅胡梯尋儀褥二踏道褥八黃絹裋大
麻索二油帕全安車赤質金飾礪石葉段裝釘倒仙錦
帷一紫油憶衣各一朱絲絡網天下樂錦絡帶各二礪
石長轅鳳頭三朱紅漆杌子踏床各一紅羅衣褥全紅

羅襯褥一紅羅行道褥四紅羅明金生色幔一綠紅竹
簾二礪石葉段行馬二胡梯一紅羅胡梯尋儀褥二踏
道褥八緋絹裊大麻索二油帕全四望車朱質礪石葉
段裝釘宜男錦帷一青油幘衣各一朱絲絡網宜男錦
絡帶各二礪石長轆螭頭二朱紅漆杌子踏牀各一紅
綾衣褥全紅羅襯褥一紅羅行道褥四紅羅明金生色
幔一紅羅綠竹紅簾四礪石葉段行馬二胡梯一紅羅
胡梯尋儀褥二踏道褥八緋絹裊大麻索二油帕全金

根車朱質礪石葉段裝釘宜男錦帷一紫羅紫油幃衣
各一朱絲絡綢倒仙錦絡帶各二礪石長轆螭頭二朱
紅漆杌子踏牀各一紅綾衣褥全紅綾襯褥一紅綾行
道褥四紅羅明金生色幔一紅羅綠紅竹簾二礪石葉
段行馬二胡梯一紅綾胡梯尋儀褥二踏道褥八緋絹
裏大麻索二油帕全冠服花珠冠用盛子一青羅
表青羅襯金紅羅托裏用九龍四鳳前面大龍唧穗毯
一朵前後有花珠各一十二及鸛鵲孔雀雲鶴王母仙

人隊浮動插辨等後有納言上有金蟬鐸金兩博鬚已
上並用鋪翠滴粉縷金裝真珠結造下有金圈口上用
七寶鈿窠後有金鈿窠二箇穿紅羅鋪金款幔帶一條
褱衣深青羅織成翬翟之形素質十二等領褱袖襖並
紅羅織成龍青紗中單素青紗製造領織成黼形十二
褱袖襖織成雲龍並織紅縠造裳八幅深青織成翟文
等褱襖織成紅羅雲龍 明金腰帶 蔽膝深青羅織
成翟文三等領綠緞色羅織成雲龍明金帶綬一副大

綬一長五尺濶一尺黃白赤黑縹綠等六采織成小綬
三色同大綬間七寶鈿窠施三玉環上碾雲龍撚金線
織成大小綬頭紅羅花襯大帶青羅朱裏紕其外上以
朱錦下以綠錦紐鈎用青組撚金線織成帶頭玉珮二
朶每朶上中下璜各一半月墜子各二並玉碾縷金打
釵獸面篋鈎佩子各一水葉子全真珠穿綴青衣草帶
縷金用青羅裏造上用金打釵水地龍鵝眼撻尾共八
事玳瑁襯金脚釘造龍口攀束子金抹帶二條並明金

造各長一尺五寸紅羅一條青羅一條青羅烏一量白
綾裏如意頭明金黃羅準上用玉鼻仁真珠裝綴繫帶
全襪一量青羅表裏造繫帶全頭冠匣一具鹿頂卸塵
連梯朱紅漆造五綵縷金裝束腰花板上用銀鍍金葉
子裝釘金鍍銀手鈿鋸鉞戀撐水葉鐫金梅紅細法
大綾花裏上有梔黃羅夾四幅蓋帕一條內有天下樂
暈錦可底褥子一片兩幅全梅紅羅蓋襯帕一條頭冠
子匣子內罩子一座方眼造梅紅紗糊綠羅綠貼提板

一梅紅細法大綾糊造上有雕木蓮花座上雕五層蓮花下雕起突草山水盤龍五彩帖縷金裝造上有鍍金銀打鈿圓子一箇犀冠子一頂減撥花樣金縷裝造上有玉簪一條下有闕稜玳瑁盤子一面腰輦一擎並用朱紅漆造上用天下樂暈錦可面襯褥一片銀鍍金葉段釘子裝釘四竿銀鍍金打龍頭四箇銀鍍金坐龍拴寨鈿鈿索子全天下樂暈錦看褥八片緋羅繫帶全鍍金裊鐵胎簾鈎二對上有梅紅扁索全行馬一對朱

紅漆造以銀鍍金葉段釘子裝釘衣匣一具四幅梘黃夾蓋帕一條明金蓋襯三幅帕一條腰昇一擎行馬一對以上共用梘黃羅四幅夾蓋帕一條烏匣一具內有梅紅羅明金一副半蓋襯夾帕一條佩匣一具內有梅紅羅明金一副半蓋襯夾帕一條腰昇一擎行馬一對

皇太子車服

大定六年十二月丑日奏稟皇太子金輅檢討到典故製度及將見用金輅式樣叅酌詳定開具下項奉勅旨

輶旗旂首及應用龍處並改飾以麟鄣塵物等三件亦從省去餘並准奏行隋志內該皇太子金輅製同副車具體而小製度色數照得與見用金輅相同外有伏鹿

軾金鳳一在軾前并建旂九旒八鸞在衡駕赤駟四

見用

金輅軾前有金龍改為伏鹿軾上坐龍改為鳳建旂十二旒改為九旒駕赤駟六減為四條並依古制見

用金輅箱頂輪衣等有綉畫龍處緣東宮見用器服並飾以麟有無亦以麟為飾見用金輅上名件色數有無依上公以九為節之數減四分之一

謂如綉帶八擬用六銅佩八擬用六

之照得古典有龍輶并建旂上綉降龍及旂首金龍頭

銜結綬係三處用龍古制金輅上有鄣塵在龍輶之上

并二鈴在軾及銀穗毬二緣見用金輅上無今來有無

合從有去鋪陳簾褥用黃羅處有無改用梅紅其餘物

件有無裁減具體成造

如椅子踏道之類

赤質金飾諸末重較

箱畫虞文鳥獸黃屋伏鹿軾龍輶金鳳一在軾前設鄣

塵朱蓋黃裏輪畫朱牙左建旂九旒古載門戟旂首銜

金龍頭結綬及鈴綏八鸞在衡二鈴在軾駕赤駟四金

鍍方欽插翟尾鏤錫鞶纓九就見用金輅自頂至地高一丈七尺三寸今擬減四分之一該一丈三尺二寸長短寬狹皆減四分之一十二月十五日奏稟太常寺檢討見用金輅于典禮有無不用事數照到隋禮儀志玉輅青蓋黃裏唐車服志蓋從輅質惟裏皆用黃近奏過皇太子金輅制度內斬旂旂首用龍處飾以麟鋪陳用黃羅處改用梅紅今來輅頂上朱蓋雖是以赤為質有無亦改奉用梅紅黃裏奉勅旨見用金玉輅依舊皇太

子金輅上朱蓋表裏並用梅紅七年九月十七日奏稟
將來皇太子受冊謝廟禮數合用鹵簿其間制度與大
駕同者擬依前來造皇太子金輅用龍鳳處改用麟鸞
純用紅黃處改用梅紅又升降輅合用輿與制似輦而
小今比擬平頭輦減小成造別無窒礙所有文飾處亦
依金輅制度施行從之

大定二年五月十一日皇太子合用冠冕制度檢定下
項奏奉勅旨委內藏官監造袞冕白珠九旒紅絲組為

纓青纁充耳犀簪導青衣朱裳九章五章在衣山龍華

蟲火宗彝四章在裳藻粉米黼黻白紗中單青標襪裾

革帶塗金銀鈎𦨇蔽膝隨裳色為火山二章瑜玉雙佩

四采織成大綬間施玉鐶三白襪朱舄舄如金塗銀鈎謁太廟

服之遠遊冠十八梁金塗銀花飾博山附蟬絲組為纓犀簪

導朱明服紅裳白紗中單方心曲領絳紗蔽膝白襪黑

舄餘同衣冕冊寶服之太常因草禮皇太子宜服桓圭

長九寸廣三寸厚半寸用白玉若屋之桓楹琢為二稜

于禮為當袍帶傘鞅交椅唾盂等

具皇太子門



大金集禮卷二十九

欽定四庫全書

大金集禮卷三十

輿服下

寶

印

臣庶車服

寶

天眷元年九月編類到寶印圭璧下項玉寶十五面並

獲於宋受命寶一

咸陽三寸六分文曰受命於天既壽永昌係藍田秦璽并白玉蓋螭虎紐

傳國寶一

螭虎紐

鎮國寶一

大觀二面並碧色文曰承天依延萬億永無極受命

寶一

大觀文曰受命於天既壽永昌

天子之寶天子信寶一天子行寶

一皇帝之寶一皇帝信寶一皇帝行寶一

係八寶

皇帝恭

膺天命之寶二

四寸八分內一面螭紐白玉伴環并綬白玉蓋金玉檢牌及玉座子沈香雲盆

一玉童子二

御書之寶二

龍紐一螭紐一

宣和御筆之寶

螭紐

并八寶

共一十三面並白玉四面獲於遼通天萬歲之璽一受

天明命惟德乃昌一

玉方三寸

嗣聖寶一御封不辨印文一

金寶并印八面獲於宋天下同文之寶一

龍紐金檢環綬全

御

前之寶二御書之寶一宣和殿寶一皇后之寶一

金檢牌座

全皇太子寶一

龜紐玉環綬全

皇太子妃印一

龜紐

二面獲於遼

御前之寶一

見

書詔之寶一

見

金塗銀寶五面並獲於

宋皇帝欽崇國祀之寶一

降香詞表用之

天下合同之寶一

中書

門下奏報畫可等用之

御前之寶一

宣制用之

御前錫賜之寶一

賜答藥合

之用

書詔之寶一圖書印三十八面並獲於宋內府圖

書之印一御書三御筆一御畫一御書玉寶一

年一天子萬壽一龜龍上珍一河洛元瑞二雲漢之章

一奎壁之文一華國之瑞一大觀中祕一大觀寶篆一
政和一宣和三宣和御覽一宣和中祕一宣和殿制一
宣和大寶一宣和書寶二宣和畫寶一常樂未央一古
文二封四共三十五面並玉封字一御畫一二面並瑪
瑙政和御筆一係水晶玄圭一白玉圭一十九

皇統五年二月二日施用新寶詔曰惟帝王傳信之章
取天地合符之義倣羲圖而制範疊軒篆以成文所以
施命四方作孚萬世古今所尚損益可知我國家一統

光臨四征者定疆理所至咸績於禹功印璽之傳尚循
於遼舊襲用既久漫漶靡鮮乃命有司為之更制縱廣
契三才之妙高厚法五行之成鳩工雖假於人為創意
乃由於帝錫涓日祇受與天匹休其新造御前之寶書
詔之寶已於今月二日施用布告中外咸使聞知

施用新寶儀注係降御札尚書省謄作勅牒誣告天下
選擇進呈施用及宣御札受賀日辰其日百官公服於
常朝殿門外祇候立班宰臣執政官管勾鑄造官恭奉

新鑄御前之寶書詔之寶於內殿進呈取旨付點檢司符寶局次尚書省以宣命一二道請用新鑄御前之寶次學士院以御札進呈請用新鑄書詔之寶訖其宣命付左右司御札付宣徽院閤門使引百官就班宰執自內出立班定閤門使奉御札出殿門仍以舍人二員用箱複對捧於東階西立定閤門使唱曰御札百官再拜閤門使措笏就箱中取御札以授宣讀官宣讀官措笏讀畢百官皆再拜恭俟皇帝靴袍出御殿百官班入

側宣贊唱引轉當殿並如常儀五拜舞蹈班首出班問
聖體訖又再拜班首引升殿當御座前致賀詞訖復引下
殿歸班宣徽使承旨臨殿階稱有勅旨百官再拜宣徽
使宣曰寶印肇新示信天下與卿等同慶百官又五拜
舞蹈卷班西出皇帝還內若於內中進酒賜酒並取旨
大定十八年十月緣奉聖旨造寶及降到寶文大金受
命萬世之寶下太常寺檢討到唐車服志初太宗刻受
命玄璽皆為寶中宗即位復為璽開元六年復為寶天

寶十載改傳國寶為承天大寶史臣所書者止如此別
無庸受典禮并本部檢到宋禮閣新編紹聖四年永興軍
咸陽縣民段義於本家地內掘出青白玉二塊有古體
篆文禮部學士院太常寺考驗到委是漢以前傳國寶
又檢到宋哲宗實錄禮部太常寺言奉詔詳定沿寶法
物禮儀擬就五月朔大朝會日以禮祇受前期有司預
行製造沿寶法物并寶進納入內俟降出權於寶堂安
奉前三日差官奏告天地宗廟社稷前一日上齋於內

殿其日服通天冠御大慶殿坐受寶羣臣上壽稱賀從
之詔命宰臣章惇書寫玉檢以天授傳國受命之寶為
文五月戊申朔御大慶殿受傳國寶行朝會禮布告天
下癸丑以受寶畢恭謝景靈宮及本朝皇統五年造訖
御前之寶書詔之寶降詔中外本部契勘今創造受命
寶與前例不同緣地不愛寶適得美玉稽古創制出自
聖意永為本朝受命萬世之寶其事至重有司不敢輕
議十一月二十三日奏劄檢得別無受寶典故叅酌大

定七年并十一年進上冊寶禮儀擬於受寶前差官奏告天地宗廟社稷至日設黃麾仗一千人於大安殿前皇帝服通天冠絳紗袍御大安殿奉寶太尉讀寶侍中以次行事官并文武百僚各法服行禮俟進寶訖皇太子與百官稱賀進酒上壽從之并選用十二月二十三日及定到儀注下項受寶前三日合遣使奏告天地宗廟社稷

依大定十一年受冊奏告儀

前二日所司停奏刑罰文字百官

習儀前一日各就所居清齋非上寶事皆不治攝官員

數奉寶太尉一讀寶侍中一行禮侍中二

奏中嚴外辦及宣答并奏

恭可上壽典解

舉寶給事中二捧寶官四

以三品四品官充押

寶禮部侍郎一太常卿二

一員贊道行禮一員押樂

以上省擬奏差

昇寶盃官

依例量輕重差省令史

大樂令一掌寶官二

引寶入進以官聞使

協律郎二

一員殿上一員殿庭

典儀贊者各一

閣門官充引皇太子

典贊儀二

閣使充

太常博士二

引寶俟奉寶訖即引太尉閣門使充

通事舍

人五

二員引寶同太常博士二員分引左右班一員引攝侍中閣門官充

昇寶案六員

六部

以上並部擬省差兵部帥其屬設黃麾仗於大安

殿前

立位一十八人

宣徽院帥儀鑒司於前一日設御座於大

安殿中間南向又設東西房於御榻之次左右及殿上
下陳設并前楹施簾又設香爐香案於殿下龍墀上又
設爐四於御榻之左右又設皇太子侍立褥位於殿之
東間西向又設寶幄於大安殿門外稍東西向又設藉
寶褥位一於沙墀上香爐案南又設皇太子致賀褥位
於百官班褥位之前又設皇太子致賀褥位於殿階上
又設皇太子褥位於橫階之北稍東西向

係百官分班時立位

設藉寶床褥位一於殿西階下道西又設藉寶褥位一

於御榻前稍南

奉寶訖便充皇太子致賀褥位

又設奉寶太尉讀寶侍

中共褥位一於欄子北藉寶褥位之南又設藉寶盂案

褥位一於殿上之東間又設羣官次於大安殿門外西

廊下又設侍中奏請上壽褥位於橫階南置於皇太子

百僚班前宣徽院勒所司排辦御茶床并合差官提點

捲簾外執扇五十人開合如儀

執扇差供奉官

及勒閤門司省

會但於行禮節次委分管施行及準備昇寶床努手繖

子等共三十二人前一日自制造所分番擡寶床赴尚書省置定次日行禮大樂令與協律郎前一日展設樂懸於殿庭又設協律郎舉麾位二一於殿西階東向一於樂懸西北亦東向又設登歌樂架於殿上閣門司提點有司設百官位於殿庭如常朝會議又設贊者位於班前東北又設典儀位於殿階上又設行事官位牌如儀太常寺其日帥舁寶案官先入置案於殿之東間藉寶褥位上置訖舁案官各退學士院定撰賀詞及上壽賀

詞并宣答制詞大樂曲名并登歌詞奏告祝文及書寫
訖進請御署尚醞局備酒并殿下酌酒如常儀尚衣局
準備進通天冠絳紗袍侍儀司準備簪蹕繖扇儀物如
常拱衛司委繖子執擎曲直華蓋符寶郎其日俟文武
羣官入奉八寶置於御座左右東西相向

昇八寶入控
鶴門仗官

符寶郎四員分立於寶後才候上寶訖復帥昇寶還所
司宮苑司前期洒掃大安殿及殿門之內外少府監官
合造位牌二十面

準備預先書
寓行事官

各長一尺二寸濶一尺

欽定四庫全書

卷三十

厚八分黑油

進寶儀

其日質明奉寶太尉讀寶侍中以次應行事官並集於

尚書省各朝服

今法服

乘馬

人從依導駕人從服飾

奉迎受命寶至

應天門下馬由正門步導入內至大安殿門外置寶於

幄次舁寶床弩手人等立於左右文武羣臣等並朝服

入次攝太常卿與大樂令帥工人入就位協律郎各就

舉麾位舁寶案官由西偏門先入置案於殿東間褥位

置訖各退於西階寶床褥位後捧寶官舁寶盞官由偏門先入至殿西階下寶褥位之西東向立俟等探閣門

報通事舍人引攝侍中版奏中嚴訖典儀贊者各就位退通事舍人引文武百僚分左右入於殿階下塲道東西相向立符寶郎奉八寶由東西偏門分入升殿置於

御座之左右東西相向訖分左右立於寶後

元舁八寶人下殿退

立於殿東西階下稍南

通事舍人引攝侍中版奏外辦內侍承旨

索扇扇合皇帝服通天冠絳紗袍以出曲直華蓋侍衛

警蹕如常儀殿上鳴鞭訖殿下亦鳴

凡鳴鞭皆准此

初索扇協

律郎跪俯伏興工鼓祝宮懸樂作皇帝出自東房即御

座南向儀鑾使副添香

殿下第一墀香爐別差閤門一員添香

爐香升扇

開簾捲協律郎偃麾戛鼓樂止

凡樂皆協律郎舉麾工鼓祝而後作偃麾戛鼓

而後止下皆准此

太常博士通事舍人各二員自寶幄分引寶

太常卿前導禮部侍郎押寶而行奉寶太尉讀寶侍中

舉寶官於寶後以次從之由正門入宮懸樂作太常卿

於寶床前導至第一墀香案前藉寶褥位上少置太常

卿與舉寶官於寶褥稍西東向立以俟博士舍人皆立
其後昇寶床弩手等又於其後皆東向太尉侍中於寶後
面北以次立禮部侍郎行禮侍中次立於其後立定樂
止通事舍人分引殿下東西兩班羣官合班轉北向立
東班以西為上
西班以東為上中間少留班路俟立定太常博士通事
舍人四員分引太尉侍中禮部侍郎太常卿舉寶官等
以次各復本班訖博士舍人退以俟初引時宮懸樂作
至位立定樂止典儀曰拜贊者承傳太尉以下應在位

羣官皆舞蹈五拜班首出班起居訖又再拜太常博士
通事舍人四員再拜太尉侍中以次官復進至寶所依
位立定昇寶床弩手並進前舉寶床興太常博士通事
舍人二員分引寶太常卿前導禮部侍郎押寶而行奉
寶太尉讀寶侍中舉寶官於寶後以次從之詣殿西階
下至寶褥位少置太尉以下以次東向立昇寶床弩手
等退於後稍西東向立捧寶官與昇寶盞官並前進
去寶
盞盞置於床取寶盞升太常博士通事舍人分引寶盞太常

卿導寶先升奉寶太尉讀寶侍中舉寶官捧寶官於寶

後以次從升

禮部侍郎不升立於寶床之西

寶初行宮懸樂作進至殿

上博士舍人立於前楹稍東立以俟讀寶侍中於前楹

間稍西立俟舉寶官捧寶官立於其後奉寶太尉從寶

升進至御座前褥位奉寶太尉搢笏少進跪置訖執笏俯

伏興樂止太尉退於前楹稍東立以俟太常卿少退東

向立昇寶盃官分立於其後皆東向捧寶官先入舉寶

官次入讀寶侍中又次入捧寶官四員皆搢笏雙跪捧

兩員於寶北一員稍東一員稍西
兩員於寶南一員稍東一員稍西 舉寶官二員亦搢笏

兩邊單跪對舉侍中執笏進跪稱侍中臣某讀寶讀訖
俯伏興侍中俟舉寶官興先退博士舍人引太尉侍中降
自東階復本班昇寶盞官進前與捧寶舉寶官等取寶
盞興置於殿之東問褥位案上西向捧寶舉寶官等與
太常卿俱降自東階及禮部侍郎皆復本班昇寶官等
亦降自東階退入百官班典儀曰拜贊者承傳在位官皆
再拜

賀儀

受寶日皇太子於殿東廊幕次改服遠遊冠朱明衣先
於大安殿後陪侍皇帝升殿於殿上御榻東稍南面西
侍立俟侍中讀寶訖殿下官皆再拜典贊儀引皇太子
出殿降自東階宮懸奏曲

前後樂曲
並見樂門

至褥位立定侍中

前俯伏跪奏稱羣臣稱賀上壽侍中俯伏興退復位樂
止典儀曰拜贊者承傳皇太子并在位羣官皆再拜訖
典贊儀引皇太子升殿東階宮懸樂作至殿陞褥位立

定樂止所司以盞盤授皇太子皇太子搢圭執盤盞進酒皇帝受盞置茶床皇太子執盤退復階上褥位以盤授執事者執圭二閤使齊引至欄子內褥位俯伏跪致詞訖俯伏興退復褥位同殿下臣僚皆再拜侍中承旨退臨階西向立稱有制典儀曰拜贊者承傳皇太子及在位羣官皆再拜訖躬身宣詞畢上下舞蹈五拜平立皇太子搢圭執盤登歌樂作皇帝舉酒飲訖皇太子以盤受虛盞退復褥位樂止轉盤訖執圭降殿至丹墀在

位羣官皆再拜分班序立侍中奏禮畢內侍索扇扇合
簾降鳴鞭協律郎俯伏跪舉麾興工鼓祝宮懸樂作皇
帝降座入自西房還幕次樂止掌寶帥昇寶床弩手繳
子升殿取盞降殿蓋訖置於床引進官前導通事舍人
贊引詣東上閤門上進通事舍人引侍中版奏解嚴所
司承旨放仗羣官以次出

大定二十二年九月奏稟近奉勅旨如使玉寶印宣詔
有無典故如無若成造亦有無典故太常寺檢討到通

典秦以印稱璽

以玉不通臣下用

天子之信故曰璽今日寶六

典漢舊儀曰天子有六璽皆白玉唐八寶並用玉神寶
承百王鎮萬國受命寶修封禪禮神祇皇帝行寶答疏
王公則用之皇帝之寶勞來勲賢則用之皇帝信寶徵
召臣下則用之天子行寶答四夷書則用之天子之寶
慰撫蠻夷則用之天子信寶發蕃國兵則用之通典北
齊六璽皇帝行璽皇帝之璽皇帝信璽並用玉天子行
璽天子之璽天子信璽並用金後周六璽皆白玉為之

隋因舊制南齊梁陳以金為之并藏內庫即今所收八

寶皇帝神寶受命於天既壽永昌皇帝行寶皇帝之寶

皇帝信寶天子行寶天子之寶天子信寶及皇統五年

造御前之寶

印宋國書并
常例奏目等

書詔之寶

印高麗夏國詔
并頒詔則用之

大定十八年造大金受命萬世之寶奉勅旨再商量尋

擬定作宣命之寶從之二十三年五月三日工畢

寶樣
面直

在四寸二厘厚一寸四分手把高一
寸九分通高三寸三分字深二分

擇定五月七日九

日係進呈吉日奏奉勅旨遇朝日進呈太常寺具到皇

統五年已行禮數并衆酌定到儀注下項

皇統五年
禮數見前今

衆酌擬定昇寶盞官八員

以供奉班
充宰紫

擡腰輿一十六人

以努
手充仍用本服是日製造官公服自製造所用腰輿行

馬恭奉新造宣命之寶於東上閤門安置定

擡昇努
手並退昇

寶盞官奉寶盞官於寶案後俟駕至百官班退宰執升

殿製造官帥昇寶盞官奉寶盞官製造官前導於露階

上安置宣徽使取旨付點檢司製造官以下皆退符寶

郎一員於寶盞內取寶用金斗奉寶進呈取旨封收

如何

行用臨禮畢付所司裏寶大紅綿五兩裏寶表裏大紅
時奉稟夾羅複一茶二幅寶上檢牌一用

金於上鐫宣命之寶字寶紐上用大紅絨條一條金鈔
一個臺銀纏龍金銀印色盒子二個寶案一寶上合
用護御書封鹿皮一寶肅二重朱漆背裝以金
以紅羅明金帕以載腰輿及行馬並飾以金

大定二十三年恭奉勅旨用金鑄造宣命之寶以三月
十一日進呈為始一品及王公妃用玉寶二品已下用

金宣寶其進呈儀注如前

天會十開年講究到太皇太后有璽綬見前漢皇后有

璽綬見前後漢書及諸史妃亦當有印綬光武貴人金印紫綬貴人位次皇后晉輿服志

受夫人夫人貴嬪皆金章紫綬章文曰貴人夫人貴嬪之章

皇后赤紱玉璽通典皇后赤

綬玉璽

蔡氏獨斷

又令文太皇太后皇太后皇后皇太子皇

太子妃寶

以上寶金為之

並不行用其封令書太皇太后皇太

后各用宮官印

餘條不言太皇太后者與皇太后同

皇后用內侍省印皇

太子用左春坊印太子妃用內坊印謹按漢晉以來太

皇太后皆有璽紱其璽別不載用之與否至唐令明著

其實並不行用其封令書用宮官印今即宜奉太皇太

后之寶仍置宮官其寶設而不用凡有令書於正封外

別置重封用宮官印書宮官具位姓名以尊令書故並
宜加臣字庶合典禮

太后寶

具太后門

太后太妃寶

具妃門

皇太子寶又守國寶

具皇

太子門大

定十八年

印

禮部自來鑄印方寸制度下項

依正隆元年省批

三師三公親

王尚書令並金印方二寸金重八十兩駝為紐

餘玉印紐同

一字王印方一寸七分半金鍍銀鑄銀重四十兩鍍金

三兩諸郡王印方一寸六分半金鍍銀鑄銀重三十五兩
鍍金三兩一品印方一寸六分並用金鍍銅鑄銅用二
十六兩東宮三師宰執金鍍銀重與郡王同三品印方
一寸五分半銅重二十四兩四品印方一寸五分銅重
二十兩五品印方一寸四分銅重同上六品印方一寸
三分銅重十六兩七品印方一寸二分銅重同上八品
印方一寸一分半銅重一十四兩九品印方一寸一分
銅重同上凡朱記方一寸銅重一十四兩

天德一年八月緣行省浴見使印樣差小乞比類尚書省印小一等改鑄呈稟訖依禮部篆到所指印樣鑄造分付

大定十九年稟奏國公自來不曾鑄印別無鑄印故事難以給鑄從之

大定二十四年二月奏稟禮部呈車駕行幸上京契勘行尚書省御史臺并左右三部各有合用印信擬乞依見用大小制度另行鑄造從之

臣庶車服

貞元元年遷都燕京儀仗內攝官四員并導駕官四十

二員所用法服下項正一品四員

侍中二中書令二

貂蟬籠巾

七梁額花冠貂鼠立筆銀立筆犀簪佩釵緋羅大袖緋

羅裙一緋羅蔽膝一緋白羅大帶一天下樂暈錦玉環

綬一白羅方心曲領一白紗中單一銀褐勒帛一玉珮

佩二朶金鍍銀革帶一烏皮履一對白綾襪一對正二品

五員

門下中書侍郎各二大興牧一

七梁冠銀立筆犀簪緋羅大袖一

緋羅裙一緋羅蔽膝一緋白羅大帶一雜花暈錦玉環

綬一白羅方心曲領一白紗中單一銀褐勒帛一玉琳

佩二朶金鍍銀革帶一烏皮履一對白綾襪一對正四

品一十六員

御史中丞二給事中四中書舍人六左右諫議大夫各一

五梁冠銀立

筆犀簪

內御史中丞獬豸冠

緋羅大袖一緋羅裙一緋羅蔽膝一

緋白羅大帶一白獅子錦銀環綬一

內御史中丞青荷蓮綬

白羅

方心曲領一白紗中單一銀褐勒帛一珠珮二朶銀革

帶一烏皮履一對白綾襪一對正五品一十四員

夾輅大將

軍二陪輅將軍二中道隊大將四梁冠銀立筆犀簪緋
軍一龍旗隊大將軍一條佐八

羅大袖一緋羅裙一緋羅蔽膝一緋白羅大帶一簇四

金鵬錦銀環綬一白羅方心曲領一白紗中單一銀褐

帶一珠珮二朶銀革帶一烏皮履一對白綾襪一對

正六品至七品四十三員

正六品侍御史二大興令一
從六品修起居注四正七品

左右拾遺二左右補闕二殿中侍
御史二十四從七品通事舍人八三梁冠銀立筆犀簪

緋羅大袖一緋羅裙一緋羅蔽膝一緋白羅大帶一黃

獅子錦銅環綬一白羅方心曲領一白紗中單一銀褐

勒帛一銅珠珮二朶銅革帶一烏皮履一對白綾襪一對

大定二十二年拾享攝官并導駕官所用法服下項攝

官二品已上九員

終獻一大禮使一太尉一司徒一侍中三門下侍郎一中書侍郎一七

梁貂蟬籠巾冠服三品七員

翰林學士一太常卿一光祿卿二太僕卿一殿中監

一四品四員

七祀獻官一功臣獻官二大司樂一

並用六梁冠服有金花

五品一十三員

大府少監一戶部郎中一符寶郎四東上閤門使一奉璫等官四舉冊官二

五梁冠服六品官二十八員

尚輦一夾侍四從升護衛四尚舍二先祿丞一大樂

令一太尉令一
司尊彝十四

四梁冠服七品官二十四員

助奠官六博士四監

祭二太官令四通事
舍人七太廟丞一

三梁冠服

內監祭獬豸青綬

八品官二百

六十九員

太祝一十六祝史二十八奉禮郎二十七祝史一協律郎二齋郎二百八大官丞一良醞

令二廩犧令一亞
終獻執事官八

九品官一百一十員

內侍八宮闈令一十七別廟內

侍二禮直官一十贊者二十七祀祝史三七祀
功臣進饌四十七祀爵洗執事已下共一十

並二梁

冠服導駕官四十員其冠服與攝官同

如內有御史臺官合依本職品

從服
冠青綬

大定官制諸服飾佩帶文資五品已上服紫六品七品

服緋八品九品服綠

若職事高於散官者並依職事借本品服色隨職俱降如職事低於

散官者並從散官服色

應武官並服紫皇太子玉帶佩玉雙魚袋

親王玉帶佩玉魚一品玉帶佩金魚二品笏頭球文金

帶佩金魚三品四品荔枝或御仙花金帶佩金魚餘服

紫者紅鞵烏犀帶佩金魚服緋者並紅鞵烏犀帶佩銀

魚服綠者並皂鞵烏犀帶武官一品二品佩帶與文官

同三品四品金帶五品六品七品紅鞵烏犀帶皆不佩

魚八品已下並皂鞵烏犀帶應殿庭祇應五品已下官

如閭門橫班
六尚之類

非入內不許金帶又展紫入殿庭者皆許

服紅鞋不佩魚又二品已上許兼服通犀帶三品官若治
事及見賓客許兼服花犀帶又品官帶上得兼下下不
得僭上

大定二年條約趨朝不得服花犀

十年省批學士院官并修注等當直服金帶

十一年奏定東宮左右衛率僕正副典贊儀內直郎丞

當直服金帶

具雜儀
式卷上

壽王不合佩玉魚

具宗
室門

大定十一年四月五日奏稟太常寺檢討到唐車服志并宋會要該品官服各有綾羅花樣等第不同今參酌擬三師三公親王宰相一品官服大獨科花羅直徑不過五寸執政官服獨科花羅直徑不過三寸二品三品服散搭花頭羅

謂枝葉者

直徑不過一寸半四品五品服

小雜花羅

謂花頭碎小者

直徑不過一寸六品七品服芝蔴羅

八品九品服無紋羅已上職事散官從一高皆上得兼下下不得僭上窄紫亦同服色各依官制品格其諸局

分承應人並服無紋素羅

外據官民常從之服不在此限

大定十五年五月三日奏稟朝日百官公服有襴無襴制度不同檢討到唐書馬周上議禮無服衫之文三代之制有深衣請加襴袖長孫無忌議服袍者下加襴若依上項典故袍不加襴即非古制有虧禮體奉勅旨文資官公服加襴

大定三年三月十七日詹事奏奉勅旨皇太子三位妃傘用青表紫裏金浮圖

大定制文五品已上官及母妻許用傘蓋

官職從一高駙馬都尉依

本品即在都無職事官并母妻皆不得用若致仕及曾任五品已上職事身故官母妻并不因夫子別加邑號者不在禁限

大定儀制親王公主王妃傘金鍍銀浮圖青表紫裏郡主縣主夫人金花銀浮圖青表紫裏三師三公宰相樞密使郡王一品執政官樞密副使御史大夫銀浮圖青表紫裏一品官爵銀浮圖青表朱裏執政官樞密副使御史大夫

朱紅浮圖青表紫裏已上並用羅二品朱紅浮圖青表朱裏三品朱紅浮圖青表碧裏四品五品青浮圖青表碧裏已上並用絹品宮母妻各從夫子用傘前宰執任外路執

事傘蓋仍舊

大定四年三月二十三日奏稟檢討到典故宋太宗製笏頭帶以賜輔臣其罷免者尚亦

服之此蓋前代優待勲舊之禮兼見行儀制內前宰執職在外路長官見佐貳官并經過州縣迎送禮數比之庶僚亦是優異其真定尹翟永固係前宰執傘蓋擬仍舊從之吏職入品與朝叅帶五品官

者並許用傘蓋親王赴朝鞍轡及圈背銀交椅

具親王門

宰執

等并内外官制度及親王宰執治事服帽帶餘展阜

見雜

儀式
卷下

大定制文諸車一品用銀螭頭涼棚杆子月板並許以
銀裝飾三品以上螭頭不得施銀涼棚杆子月板亦聽
用銀裝飾五品以上獅頭六品以下雲頭庶人平頭又
宗室及外戚

謂皇家小功以上親太皇太后皇太后大功已上親皇后期已上親也

并一

品官及官職俱至三品以上者許用金花鞍韉餘並禁
斷若經賜或御毬場內打毬者不在此限百姓并奴僕
不得用玉較具鞍轡又五品以上官

官職從一高

母妻許披

霞帔又宗室及外戚并一品命婦衣服聽用明金釵使

品官之家婦女

同籍不限親疎期親雖別籍亦是出嫁同

唯首飾霞帔領袖

繫腰許用明金

軟金籠金間金之類亦同衣服止用金條壓

正班局分承應

帶官人雖未出職係班其祖母及母妻子孫之婦在室之女孫女姊妹同籍兄弟之妻亦准此

只令本

家成造

如無工匠即許雇貨

餘並禁斷又禁私家用純黃帳幕陳

設若曾經宣賜鑾輿服御車馬日月雲肩龍文黃服五

箇鞘眼之鞍皆須更改

謂龍去一角鞍填一眼之類

即服用物上造

獸似龍形者及諸用物上有龍文而存留者並禁斷

大定

八年十月初三日奉旨應官員百姓之家舊器物上有獸似龍文者不須毀壞仰自今後不得創行成造

大定十三年十一月二十三日左司郎中奏過前來尚書省集議鑄錢利害等事吏部尚書梁肅議民間錢難蓋由風俗奢華所致今則吏卒屠販奴僕之賤各衣羅紉綺繡服帶金魚以致錢貨盡入富商大賈及兼并之家擬乞嚴行禁約明定服色自然民有餘財送禮部勘當到除制條內已有立定禁約之物其餘服用之物若擬立定隨色等第別行禁斷見得繁碎難行本部所見

止合仍舊臣等商量自國家有天下到今凡法度皆緣
民情中間恐風俗僭侈遂以車輿傘蓋明金衣物金花
鞍韉玉較具鞦轡各限品級以至純黃帳幕陳設銀褐
油子雨衣及應用諸物上有龍文者皆有禁斷條理行
之已久愚民不曉尚有違犯若准所言將屠販奴僕等
衣著服帶之物更行創立等第恐所禁繁細徒生詞訟
若只依舊似為長便

當日奉都堂台旨
連入卷付架閣

太常寺元擬庶人之家

單戶同

只許服純紬絹布毛褐花

紗無紋素羅絲綿其頭巾繫腰領帕許用芝蔴羅條子用

絨織其餘綾羅綺縠錦繡紵絲熟綾線羅大物織罽繪畫

之類並不得服用

袂褥幘帳車
翟繹之類同

仍不得以金玉犀象諸寶

物

謂瑪瑙玻
璃之類

為器皿及裝飾刀靶鞘并銀裝釘床榻之類

婦人首飾不許用珠翠鈿子等物翠毛除許裝飾花環冠

子餘外並禁

假者同

兵卒許服無紋素壓羅絕紬絹布毛褐

充引接本被在公門承
應自從儀制內服飾

兵奴婢只許服絕紬絹布毛褐

士人未得

鄉薦及係學籍者及實有才學
雖不得鄉薦不係學籍者並同

及僧道有師號

尼女同

并良閑官

八品已上許服花紗綾羅絲紬

士人及良閑官家屬并其餘僧道與庶人同

在

官承應有出身人帶八品以下官

未帶官亦同帶七品以上官與品官同

許

服花紗綾羅紵絲絲紬

家屬同

婦人許用珠子為首飾無出

身人正九品與良閑八品以上同遇入官承應日或從駕

出入衣服承舊

東宮承應人同

帶正六品以上官與有出身同京

府州縣司吏與庶人同

都孔目官與良閑八品同

倡優遇迎接宣詔聖

節賜宴及公筵承應許暫服繪畫之服私服與庶人同外

車馬鞍轡除制條該載諸車庶人平頭及百姓奴僕不得

用玉較具鞅轡外擬庶人坐車只用一色黑油馬鞍許用黑漆以骨角鐵為飾不得用焰銀銜鐙鍍金鞘眼及金銀犀象寶物等裝飾鞍轡

假者同

大定二十四年五月以言事者乞限約民間衣服佩飾使有等差送太常寺檢討本寺具申前議禮部勘當雖大定十三年擬定止合依舊隨其貧富任意服用羅綺錦繡紵絲繪畫等物緣人情爭尚無厭若不定立等差見得已久風俗奢靡以致困弊申呈都省自後別無施行

大金集禮卷三十

欽定四庫全書

史部

大金集禮卷三十一至
六

詳校官監察御史_臣劉芬

編修_臣程嘉謨覆勘

覆校官中書_臣汪學金

校對官中書_臣王鍾泰

謄錄貢生_臣周世燦

欽定四庫全書

大金集禮卷三十一

班位表奏

班序

命婦

賤表

奏事

班序

天眷二年五月十三日奏定朝參儀式內親王宗室已
命官者年十六以上並起居宗室隨文武官班親王班

退即引文武百僚以次入并見謝辭等班列

具朝會門

天德二年四月二十九日海陵庶人旨殿前文武官排次并以職為序如親王國公及帶官宗室未有職事應朝參者皆入皇親班其散官并應任流外職者並不預朝參如前殿預朝會使客等筵宴亦以職為序親王宗室未有職事宴如後殿預宴者緣不係公禮除宰執外不問散官職事並從一高親王國公已有職事者並別設隅坐

大定五年八月十二日以判宗英王職正從一品王爵
正一品次國判府皇子許王職正三品王爵正一品大
國每遇朝參不見如何班次下太常寺檢照到官制王
正一品判大宗正從一品府尹正三品緣皇子許王見
封大國英王孫次國及檢討到唐六典親王府注云隋
皇叔昆弟皇子為親王唐宋公式令若親王任卑官職
事者仍依王品見得親王不合依判宗京尹品秩只合
依大國許王品序班位在次國史王之上蒙准呈

大定五年十一月以太子太保溫王職正二品爵正一品不見於殿庭朝宴如何排次及太子看書如何坐位檢討得唐六典太子三師太子太師一人太子太傅一人太子太保一人又官制太子太師太傅太保掌護東宮導以德義又云公集並以職為上若宴饗職事官爵從一高看詳太子太保溫王於殿庭朝宴排次自有閤門常行班位若太子看書與太傅同到東宮正是公集依官制合以職為上坐位太子太傅下下禮部准申施

行

大定儀制親王每遇朝叅並依王爵叙班

命婦

皇統元年正月十八日奏請近日皇后殿行冊禮命婦
並入朝兼會到親王宗室除正嫡已封妃夫人外次室
並無封號難定班列今擬親王正嫡封國妃者次室二
人封國夫人正嫡封王妃者次室二人封王夫人一品
官封正嫡國夫人者次室二人封郡夫人二品三品官

正嫡封郡夫人者次室二人封郡君特旨更增封人數者不拘此限勅旨准奏行仍據封國夫人者以國號為上下王夫人在正嫡國夫人之下郡夫人郡君等亦並在正嫡郡夫人郡君下排列

天德二年正月尊奉永壽寧宮并二年十月冊中宮禮

畢內外命婦稱賀

具皇太后皇后門

大定十七年五月三日擬奏皇家祖免以上親不帶邑號預宴坐次按唐典故凡朝會之禮應陪位預會者皇

周親準三品大功親小功尊屬準四品小功親總麻尊屬準五品總麻袒免親並準六品今皇家袒免以上親無邑號婦女預宴坐次合依上項典故從之

大定二十年七月二十一日勅旨今後遇有命婦合入朝事務四品郡君以上女直契丹渤海人并皇家三從已上親命婦娘子各刷見名姓遇有事筵須得分朗告

報有不來者仰宣徽體察端的至日間奏施行

大定五年七月

十六日勅旨今後如遇拜天并妃生日及有頭段禮數須合來者仰三品以上職事官女直契丹渤海命婦無

夫主國夫人及妃每親眷等盡赴宮中不得
推稱病患事故如有不能者仰宣徽院奏聞

賤表

大定四年正月禮部申呈近奉勅旨正旦生辰禮物並
免進今擬自大定五年為始免納只令隨處拜表稱賀
蒙准行

大定二年十一月檢擬皇太子奉表謝賀及用印例按
唐志太子通表如諸臣之禮除無節辰奉表典故外如
遇合稱賀奉表有令文格式下項若封令書用宮師印

外別無上表用印典故擬依即今奏目體例更不用印

蒙准呈臣某言云云臣某誠惶誠懼

賀則云誠歡誠忭後章未准此頓

首頓首入詞

云云

謹奉表稱謝以聞

稱賀陳讓陳乞並做此

臣誠

惶誠懼頓首頓首謹言年月日皇太子臣名上表

尚書省上表用奏目紙三張每張約六行或七行每行

不限字數末後紙三行或五行前張押貼黃下邊用印

末後年月上用印紙縫背用印用深紅羅夾複一條封

裏貼黃云上表為問聖躬事封皮同其日質明於都堂

前設百僚褥位重行序立望闕先兩拜泐堂單跪以表授班首班首單跪捧表以付所差人所差人跪受訖班首起立在位官皆再拜退

外路拜表儀大定十六年禮部行下其日質明望闕置香案並設官屬褥位序班立禮生贊拜在位官皆再拜捧表人司吏單跪以表授班首班首單跪捧受以付所差人所差人跪受訖班首起立禮生贊拜在位官皆再拜

退

大定八年閏月二十一日勅旨前來尚書省每十日一次上表問聖躬今後二十日一次上表外合奏文字每十日一次差人前來

正隆六年十月檢討到令文大慶大禮元日諸州府軍監長史及諸道節度觀察防禦團練使刺史轉運使等並奉表賀其長官闕者次官賀今太原府尹雖不闕見任軍前合候供進表章時置立見管府事官名銜禮部准申行下

大定七年九月檢討到唐會要貞元二年十月九日御史臺奏每有慶賀及須上表並合上公行之如無上公即尚書令僕已下行之續再檢到宋會要太常禮院言唐貞元詔每有慶賀及諸上表並合上公為首如三公闕令僕已下行之中書門下別貢章表又按五代會要晉天福二年中書門下奏今後凡有謝賀上表望並准唐勅上公行之如三公闕令僕行之中書門下則貢章表今來雖有三公依上項典故尚書省亦合別貢章表

禮部呈省點檢

正隆六年六月蔡州申稟駕幸南京合無上表檢照到
天德五年幸中都時刺史州軍衙門以上長官不以遠
近盡行上表稱賀緣不見得昨來幸中都特隨州軍緣
何上表及隨處進到表文還於何處類納再檢討到開
寶通禮義纂云巡狩親征及諸大事並皆朝賀諸州刺
史及都督京官五品已上在外者並奉疏賀皆禮部為
奏有此典故今來遷都南京隨處賀表依上項典故合

於尚書禮部類納蒙准呈

大定二十五年車駕還都檢討得別無百官奉表稱賀典故

大定八年十月滄州上表賤為賀生皇孫事檢討到唐會要御史臺奏應諸道管内州合進元日冬至端午慶陽等四節賀表除四節外非時別有慶賀使司便牒支郡取表狀急遞至上都委留後官進奏有此典故禮部將表牋牒付所司進奏緣何為例遍行之事呈奉都省

批降准外不須遍行

大定二年五月以滄州申稟賀皇太子牋紙樣複匣等
事檢到令文上東宮牋除改定字數外並同表式其紙
與上表紙一同又按宋事實皇太子凡飾用龍者皆以
螭龍廣韻云螭無角如龍而黃其牋匣畫龍者比附上
件典故合畫螭龍所有裏牋單複合用梅紅羅禮部准
申遍下

大定八年受冊外路稱賀牋式某言伏審皇太子殿下

於某月日受冊命禮成者入詞某誠歡誠忭叩頭叩頭
伏惟皇太子殿下入詞某伏限祇守官司不獲稱慶官
庭某無任歡欣忭躍激切屏營之至謹奉牋稱賀以聞
某誠歡誠忭叩頭叩頭謹言某年月日具位姓名上牋
貼黃云上牋為賀受冊禮成事問候牋即云上牋為問
清躬事

大定九年六月五日奏稟皇太子前去坐夏百官合無
具牋問候檢討得別無典故體例奉勅旨具牋問候尋

講究到前來遇車駕行幸百官赴尚書省拜表近皇太子前去坐夏百官送再拜皇太子答拜今來奉牋只合尚書省首相具銜位姓名等修寫如儀於都堂以牋授走馬人更不合集會百官外司徒合另具牋問蒙准呈

奏事

天眷二年五月十三日詳定所定到奏事儀勅旨准奏領省及宰執自東西分陞陞殿左司侍郎執奏牘從宰執入殿以奏目授宰執訖于殿欄子內柱下立餘並不

得陞殿候奏事訖即降左階于東序立右司侍郎自西陞陞殿如左司儀降自右階於西序立候領省宰執出各稟覆簽所得聖旨

皇統二年四月七日擬定奏目體式勅旨從之奏目後年月日宰執繫署臣并書名仍宰相累書執政官側書奏目前宰執自簽聖旨仍當簽者亦繫署臣并書名

大定二年八月檢討左右司奏事典故按漢制尚書郎奏事晉已後八座丞郎多不奏事梁武帝天監初詔曹

郎可依昔奏事左右司郎定至隋時方置隋以前通謂

之尚書曹郎唐令中書令

正三品

中書侍郎

正四品

中書舍

人

正五品

並掌敷奏宋職官志中書令

正一品

中書侍郎

正二品

品中書舍人

正四品

並掌中外取旨之事遼時都承旨奏

事本朝太宗時亦係都承旨奏事熙宗時執政官奏事
奉勅旨奏目只令左右司依舊

大定四年三月二十三日勅旨今後每朝宰執奏事罷
遇有御史臺奏事宰執退

皇統六年五月二十三日奏稟今後接告人委點檢司
分付御史臺取問直行聞奏事送討論所議定點檢司
以接告人分付告人本臺自合備坐聖旨牒送如訴尚
書省偏錯本臺便合申取大案點勘若論不肯受理即
先行申會見得所告事元不曾纏由都省即取妄告情
罪并具所告公事一就聞奏取旨斷遣却付尚書省依
罪施行所據本臺勘定公事若却從法寺檢斷切慮防
嫌合依故事專置檢法官二員

一員檢斷女直契丹等
一員檢斷漢兒漢渤海

准備聞奏若奏事即本臺長官與應勘之官同奏別具

奏目

依都省見行例各隨契
丹漢兒隨色字作奏目

並於朝日宰執奏事罷長

官率其屬上殿進呈

如事干急速亦許
非時於內殿奏

奏畢得旨即速

奏目前案以到紙批所得聖旨繳申尚書省送所屬部

分施行若尚書省見得御史臺所奏內有未允當事理

許行覆奏其進退遠近體式即長官在前餘官重行在

後若有所顧問即應奏之官皆得專對兼御史臺除見

設番譯通事外無管勾文字人既專行奏事擬添設典

事二人

一名管女直契丹文
字一名管漢兒文字

勅旨從之

皇統二年七月二十一日奏請今後繁細有例公事更
行聞奏實慮有煩聖聽擬自今凡有下項事並依例施
行從之都目出職請京府州鎮承應人吏番譯通事出
職諸經科年遷并腰遷滿遷諸寺提點并僧道錄判僧
尼臨壇首座等三學法師傳授戒本弩手并隨路軍員
擺轉遷加六品已下換授

大金集禮卷三十一

欽定四庫全書

大金集禮卷三十二

輟朝廢務

輟朝

廢務

休假

輟朝

大定八年正月九日勅旨自今後凡享太廟行禮日免

朝

大定九年二月勘當祭太社太稷行禮日有無合免朝
事檢討到唐會要社稷門該天寶三載畀為大祠又牲
用太牢太尉攝行事祭之日不坐並是大祠之義又輟
朝門該貞元十五年正月十三日延英門羣臣候對已
而上却不坐以中書侍郎有事於太清宮故也詳此典
故唐之故祠有司攝事其日皆不視朝本部契勘今來
祭太社稷行禮日為有前項典故該其日皆不視朝緣
今月一日春祭太社稷行禮日有蒙免朝不見得宣徽

院曾無捧到勅旨為此移文本部會得宣徽院令左西副就禮部檢到唐會要太社典故祭之日不坐以明大祠之義稟奏過奉勅旨免朝緣係已久為例之事呈省點驗

大定三年六月一日日蝕依舊典故太陽虧有司預奏皇帝不視事百官各守本司不治務過時乃罷自後以為常式十五年四月十五日勅旨今後每遇太陰太陽虧蝕並免朝

大定十三年六月二十三日以奉安昭德皇后於別廟
奉勅旨免朝十五年三月二十七日奉安武靈皇后於
別廟亦免朝叅似此百官行禮其日並免朝

皇統二年太師宗幹薨薛王宗強薨並輟朝七日平章
昂薨輟朝三日九年太師宗弼薨輟朝三日

大定十九年十一月七日改葬昭德皇后前後各一日
不視朝廢務自來凡遇妃主大臣薨逝及出葬並輟朝
廢務

承安二年七月十三日聖旨七月十五日
是拜天打毬
節自是不朝今後不索降奏

廢務

大定二年五月十一日奏請睿宗皇帝忌辰有無廢務
奉勅旨廢務仍為定制五月十六日貞懿皇后忌辰亦
廢務過大祥後不廢

大定十九年五月十一日奏請即今衍慶宮創建世宗
太宗睿宗御容殿閣與太祖為四廟緣太祖太宗睿宗

忌辰並廢務今世祖皇帝五月十五日忌辰有無合行一體廢務從之

大定二十六年十一月一日奏定熙宗忌辰亦廢務

大定三年六月一日日蝕依典故百官各守本司不治務過時乃罷遂為常式自來宗廟從祀并原廟別廟奉安尊奉及凡慶慰等禮數用百官者並廢務

大定十九年十一月七日改葬昭德皇后前後各一日廢務二十五年六月皇太子薨廢務禁樂三日及但用

百官祭奠行禮日亦廢務其發引並葬日並廢務禁樂
休假

天眷二年五月十三日詳定所定到儀式一款旬休及
節序假寧休務具下項勅旨准奏元正冬至寒食各節
前後共休務三日上元立春秋社上巳端午三伏立秋
重陽授衣九月一日國忌每月三旬以上各休務一日
五年四月奏稟舊令文內該諸節辰與見今節辰內有
不同除見今施用節假外下項未曾施用奉勅旨俱各

金史卷三十二
一日夏至中元下元各三日人日和節七夕春分立
夏立冬各一日

大定二年閏二月九日奏稟天德二年十月條理內外
官司自來准式休假頗多不無曠廢官中事務自今後
除旬假外年節前後各給假一日共三日清明冬至日
各一日其餘節辰並不給假奉勅旨清明與假三日尚
書省相慶各給清明前二日共三日

大定二年十一月奏定內外官司除旬假外元日寒食

前後各給假一日

寒食係冬至後一百五日

冬至立春重五立秋重

九各給假一日

公務急速不在此限

大金集禮卷三十二

欽定四庫全書

大金集禮卷三十三

原闕

大學

卷之六

二

大金集禮卷三十三

欽定四庫全書

大金集禮卷三十四

嶽鎮海瀆

祀儀

雜錄

祀儀

大定四年六月二十一日奏稟近奉勅旨五嶽四瀆等
每歲行禮合行講究謹按尚書舜典望秩于山川漢文
帝詔增修山川羣祀以祈豐年武帝祀名山大川唐嶽

鎮海瀆以五郊迎氣日祭之及祭於州界宋五禮新儀

太常寺預於隨季以四立土王日祭五方嶽鎮海瀆

立春

日東方立夏日南方立秋日西方立冬日北方土王日中方

又具日時下本州亦以

四立土王日祭之今叅酌定到下項禮數擬自將來立春為始行禮從之依典禮以四立土王日只於所在州界就本廟致祭外南嶽衡山南鎮會稽山權衡遙祀於中嶽嵩山東瀆大淮舊在唐州祭南海南瀆大江遙祀

於東海廣德王廟

萊州

祝版按唐通典委所司至時先奏取署付使送往今擬
每季前期進請御署差官送至所在州府

通典祀官以當界都督刺史充今擬獻官以本界都管
官司長貳官充如在支郡以都管長官充初獻支郡長
貳官充亞終獻

牲半依唐宋典禮每位用羊一豕一酒一斟

餘籩豆之
實依常禮

東嶽岱山兗州

唐天齊王宋
天齊仁聖帝

東鎮沂山沂州

安東公

東海

萊州

淵聖廣
德王

東瀆大淮唐州

長源王

南嶽衡山潭州

司天
昭聖

帝唐王

南鎮會稽山越州

公永興

南海廣州

洪聖廣利王

南瀆大

江益州

王廣源

中嶽嵩山河南

中天崇聖帝

中鎮霍山平陽府

應聖公

西嶽華山華州

金順天聖帝

西鎮吳山隴州

成德公

西海

河中府

通聖廣潤王

西瀆大河河中府

靈源王

北嶽恒山定州

安天玄聖帝

北鎮醫無閭山廣寧府

廣寧公唐宋遙祀於北嶽定州界

北海

孟州

沖聖廣潤王

北瀆大濟孟州

清源王

下項行禮次第並准

呈

差三獻并讀祝官一捧祝官二盥洗官二爵洗官二奉

爵官一司尊彝一禮直官四

以本州府
司吏充

前三日應行事執事官散齋二日治事如故宿於正寢
不弔喪問疾作樂判刑殺文書決罰罪人及不預穢惡
致齋一日於祀所惟享事得行其餘悉禁享官已齋而
闕者通攝行事

前二日有司設行事執事官次於廟門外隨地之宜掌
廟者掃除廟之內外

前一日有司牽牲詣祠所享官以下常服闋饌物視牲

充臚

享日丑前五刻執事者設祝版於神位之右置於坵
及以血豆設於饌所次設祭器皆藉以席掌饌者實
之左十簋為三行以右為上

第一行乾棗在前乾棗
形鹽魚鱗次之第二行

鹿脯在前棗實乾桃次之

第三行菱在前芡栗次之

右十豆為三行以左為上

第一行芹蘆在前筍蘆次之第二行韭蘆在前魚

醯兔醯次之第三行豚胎在前蔬鶩醯醯次之

左

簋二

實以稻粱
梁在稻前

右簋二

實以黍稷
稷在黍前

在簋豆外俎間俎

二

牲體皆載右胖前脚三節一段肩臂膂皆載之後
脚三節一段去下一節載上豚胫二節又取正脊

中象橫各二骨

次設犧尊二象尊二在堂上東南

隅北向西上犧尊在前皆有坫加勺罍為酌尊

實以酒

犧尊初獻官酌之

又設太尊一山尊一在神位前

實以酒

法酒皆說而下酌

有司設燭於神位前洗二於東階之下直

東雷北向

盥洗在東爵洗在西

罍在洗東加勺篚在洗西南肆

實以巾

若爵洗之篚即又實以爵如坫

執罍者位於其後又設揖位

於廟門外初獻在西東向亞終及祝在東南向北上

祀位

少知開墜坎於廟內堂之壬地

祭海清廟無堂深位

方深取足

客物南出陸設望座位於其南三獻官在南北向西
上祝在東西向又設三獻官在南北向西上祝在東
西向又設三獻官席位於堂下東階東南西向北上
設祝席位於庭中北向又設祝位於堂上前楹東西
向

享日丑前五刻

行事春冬用丑時七刻夏秋用丑時一刻

行事執事官各就

次掌饌者帥其屬實饌具畢凡祭官各服其服贊者引

初獻

凡行事執事官行止皆贊者引

升自東階

凡行事執事官升降皆東階

點視陳

設訖退就次次引初獻以下詣廟南門外揖位立定贊
禮者贊揖次引祝入就堂下席位北向立次引三獻官
入就席位西向立又引行事官執事官就堂下席位北
向立以西為上贊者曰再拜在位者皆再拜贊者詣諸
執事官各就位

凡執事官廳中行禮取奠物皆跪

次引祝升堂就位立

定次引初獻詣盥洗位北向立揖笏盥手帨手執笏詣
爵洗位北向立揖笏洗爵以爵授執事者執笏升堂詣
酌尊所西向立執事者以爵授初獻初獻揖笏執爵執

尊者舉冪執事者酌酒初獻以爵授執事者執笏詣神位前北向立搢笏跪執事者以爵授初獻初獻執爵三祭酒奠爵訖執笏俯伏興少立次引祝詣神位前東向立搢笏跪讀祝訖執笏興退復位初獻再拜贊禮者引初獻復位次引亞獻酌獻並如初獻之儀唯不讀祝亦不飲福受胙次引終獻並如亞獻之儀贊者引初獻官詣神位前北向立執事者以爵酌清酒進初獻之右初獻跪祭酒啐酒奠爵執事者以俎進減神座前胙肉前腳第二節共

置一俎上以授初獻以授執事者初獻取爵遂飲卒爵

執事者進受爵復於牀初獻興再拜贊者引初獻復位

贊者曰再拜獻官以下皆再拜

已飲福受昨者不拜

次引初獻已

下詣望瘞位嶽令進神位前

嶽令以廟官充

以俎載牲體並血

黍稷飯詣瘞坎以饌物置於坎

祭海濱獻官拜訖漬令以血沈於漬

東西

廟各二人實土半坎贊者曰可瘞贊者又曰禮畢遂引

初獻初獻官已下出祝與執尊壘篚冪者俱復位立定

贊者曰再拜再拜訖遂出祝板燭於齋所

案宋事實太平興國九年六月詔自今合遣官奉青詞
祝板御香往諸處致告並令緘封護持每至驛舍安置
靜處務極嚴肅又五禮新儀春秋薦獻諸陵受香表儀
該前期太常卿奉香表至鞏縣以香表置於腰輿與獻
官以次從行至昭孝禪院引香表腰輿置於堂上禮直
官贊各俯伏跪以香表授獻官省視省訖復置於腰輿
從行至陵所今來御署祝板亦合比附上件典故每至
驛舍安置靜處務極嚴肅到本州府縣前期告報置腰

輿獻官以下迎接將祝版置於腰輿獻官已下從行於

本廟齋廳安置訖

如無齋廳別設位次

禮直官引獻官省視訖贊

獻官已下皆再拜訖退并祝板如書寫彼州府官姓名

充獻官進請御署竊恐到彼本官差出事故擬於各處

祝板上只書寫行禮年月日并祝文到彼見得本州長

官別無差出事故即勒就便書填本官姓名職任若是

差出事故即便上書填以次佐貳官等姓名依准已行

禮數行禮蒙准呈

大定四年閏十一月二十五日奉勅旨嶽廟致祭務要
嚴潔六年五月十五日奉勅旨祭五嶽進祝板時仍請
御封香一就賣封前去又今後請香前期理會并用木
盒子打角

大定八年九月十九日奏稟隨方嶽鎮海瀆祝板惟五
嶽進請御署是有不同檢討到唐開元禮宋開寶禮五
禮新儀祭嶽鎮海瀆儀注內祝板皆進請御署又唐開
元九年太常奏古者五嶽視三公四瀆視諸侯則不合

親署從之至開元二十年新禮頒行其儀注內却該親署又宋太宗時亦有上言不合親署者太宗答以朕為萬民祈福舊制素定不可廢也有此典故不同奉勅旨依舊進請十六年九月十一日奏請檢到唐書禮儀志嶽瀆祝板御署北面再拜證聖元年有司請署而不拜從之開元九年太常奏五嶽視三公四瀆視諸侯不合親署當時雖從之至開元二十年新禮頒行却用進署貞元十二年太常博士裴堪奏星辰嶽瀆是天地從官

恐人君不得如公侯之禮而臣下之又禮記云內事曰孝王某外事曰嗣王某謂天子名也內事宗廟外事郊社嶽瀆參詳上項典故前代並署御名唐初署訖仍再拜自後署而不拜於禮似為得中今來祭五嶽祝板擬依舊進請從之

雜錄

大定八年九月十九日奏稟近奉勅旨南京五嶽自合仍舊今五嶽合如何檢討到尚書舜典望于山川疏云

泰山為東嶽華山為西嶽霍山為南嶽恒山為北嶽嵩
山為中嶽又周禮大宗伯祭五嶽注云泰山東嶽衡山
南嶽華山西嶽恒山北嶽嵩山中嶽疏談周國在雍州
時無西嶽權立吳嶽為西嶽蓋非常法以東都為定故
爾雅載華山為西嶽又詩崧高疏或以謂雜問志有云
周都豐鎬故以吳嶽為西嶽若必據已所都以定方嶽
則五嶽之名無代不改何則軒居上谷處恒山之西舜
居蒲坂在華陰之北豈嘗據已所在改嶽祀乎又秦漢

隋唐皆都長安五嶽並在東方禮部學士院太常寺公
共參詳自三皇以來五嶽皆有定名周都雍州雖魯權
立吳嶽為西嶽盖非常法又詩崧高疏已有如此定議
依上典故其五嶽依舊是為相應奉勅旨依舊十二月

三日再具前項典故聞奏奉勅旨依舊

尚書舜典望于山川疏云泰山

為東嶽華山為西嶽衡山為南嶽恒山為北嶽嵩山為
中嶽三代之居皆河洛之間而五嶽各如其方至秦漢
隋唐皆都長安而五嶽並在東方後魏都雲中而祭恒
山為北嶽雜問志有云周都豐鎬故以吳嶽為西嶽盖
非常法故爾雅止載華山為西嶽若必據已所都以定
五嶽則五嶽之名無代不改何則軒居上谷處恒山之

西舜居蒲坂在華陰之北豈嘗據己所在改號祀
乎兼自三皇以來五嶽皆有定名有司不敢輕議

大定十八年六月三日檢擬東嶽廟災祭享事謹按尚書
舜典曰禋于六宗望于山川徧于羣神歲二月東巡狩
至于岱宗柴望秩于山川孔安國注云九州名山大川
五嶽四瀆之屬皆一時望祭之又周禮小宗伯之職兆
五帝於四郊四望四類亦如之自虞舜至於成周以來
俱言望祭不預廟之存亡也不可謂火焚神像而廢泰
山之祀合依例差人臨時齋送祝板前去致祭施行蒙

准呈

大定二十一年正月十二日奉勅旨東嶽宮裏蓋來底
五大殿三大門擬名閏三月一日奏定正殿曰仁安皇
后殿曰蕃祉寢殿曰嘉祥真君殿曰廣福炳靈王殿曰
威明外門曰配天左傳云山東門曰晨暉取日之象西門曰

圓景

取月之象

大定二十二年四月二十一日以修蓋東嶽廟告成奏
奉勅旨令翰林侍講學士楊伯仁撰碑文十月九日又

以中嶽西嶽北嶽重修廟宇工畢命待制黃久約修撰
趙摠應奉黨懷英定撰各廟碑文

大定十三年送下陳言文字談嵩山中嶽乞依舊令本
處宗福宮道士看守禮部擬定委本府於所屬揀選有
德行名高道士二人看管仍令登封縣簿尉兼行提控
蒙准呈續送到陳言文字談隨處嶽鎮海瀆神祠係民
間祈福處所自來多是本處人家占守及有射糧軍指
作優輕數換去處遇有祈求邀勒搔擾深不利便乞選

差清高道士專一看守契勘嶽鎮海濱係官為致祭祠廟合依准中嶽廟體例委所隸州府選有德行名高道士二人看管仍令本地人官員常切提控外其餘不係官為致祭祠廟止合准本處舊來例施行蒙准呈十九年十月看嶽廟道士告乞依舊例差設百姓廟子人等勾當本部擬依泰安軍講究到設廟子七人招召土房有物力不作過上戶充於本廟收到香火錢內每月支錢三貫二年一替是為長便後蒙批降仰設道士十人

管勾如本處數少於附近州府縣分選取滿替依舊例
二十一年奉勅旨泰山三峯左側護繚十餘里并至廟
沿路不得教採斫樹木二十二年二月兵部擬呈嶽廟
殿廊共八百五十四間各設兵士三十人依舊清衛指
揮名稱常穿日夜巡防如有修造便充夫役蒙批降據
請受錢糧招置分例並於香火錢內支遣餘並准行

大定二十三年十二月八日奉勅旨每年五嶽降香若
到上京使走馬人來往回地里寫遠走馬郎君都是小

孩兒恐不潔淨運司香是官裏香預先著好香薰鍍金銀合子裡封了與隨處長官傳旨令齋戒沐浴在意上香二十六日奉批降香合仰各路運司期扣差相當官生長行馬賫送二十四年正月申稟五嶽前來各有令降御署祝板有無依例准備鎮海瀆雖前來不曾降香每年只齋送祝板委各處長官行禮今未合無批准備蒙省批五嶽祝板別聽指揮鎮海瀆止委隨處長官依時行禮二十五年十一月十七日奏請昨奉勅旨五嶽

教運司著好黃香鍍金銀合子裏封了與隨處長官散
在意上香今車駕還都所有祭嶽鎮海瀆若依舊例降
祝板香合差走馬郎君賁送奉勅旨祝板休止令各運
司降香長白山一體施行

大金集禮卷三十四

欽定四庫全書

大金集禮卷三十五

長白山

封冊禮

雜錄

封冊禮

大定十二年二月三日檢討到長白山建廟典故下
項勅旨准奉行尚書舜典封十有二山注謂每州之
名山殊大者以為其鎮通典載唐天寶八載封太白

山為神應公其九州鎮山除入諸嶽外並宜封公又
通典秦有名山大川祠漢修山川羣祀唐宋嶽鎮海
瀆及名山皆有廟今來長白山在興王之地比之其
餘諸州鎮山更合尊崇擬別議封爵仍修建廟宇十
二月一日禮部太常寺學士院檢定到爵號名稱及
差官相視到建廟地步下項奏奉勅旨封王仍以興
國靈應為名唐天寶八載封太白山為神應公并九
州鎮山除入諸嶽外並封公唐清泰初封吳山為靈

應王宋元豐七年封吳山為成德王擬具到爵號名
稱王公開祥應德興國靈應開聖永寧山北地一段
各面七十步可以興建廟宇

十五年三月二十三日奏稟封稟儀物冊祝文并合差
使副選定月日行禮節次春秋降香等事從之其餘擬
定事理並准呈

封冊儀物九旒冠冕板廣七寸長一尺二寸璫玉三采
朱白蒼玉笄九章服一五章在衣山龍華蟲火宗彝四章

在裳藻粉米黼黻

裙蔽膝中單帶革帶玉環綬玉佩劍
襪舄等並依前來封高麗國王寬服

等制

王圭一同桓圭長九寸廣三寸厚半寸玉冊一用

次玉長九寸廣九分簡數視冊文多少節二持節擬依

於本處差官二員合降冊文祝文香用黃香幣用青幣

一丈八尺奉冊使副各一員五品六品內奏差

宣判張國基充

副使起馬前去咸平府少尹婁室充使

進發日冊匣袞冕等各置以輿約

量差軍人援護所過州縣更替每行節在輿前使副在

後逐程置於驛之正廳

無驛廳處即於屋宇嚴潔處安置

冊案在路人

皆避路至山下安置潔淨去處行禮官並散齋二日於公館致齋一日於祠所

前一日所司於廟中陳設如儀於廟門外設玉冊衮冕

帷次又設使副幕次設登歌鐘磬兩架

無卽以常樂充

及用導

從人

本處軍人內差

牙杖旗鼓從物等視一品儀持節者乘馬

前導冊使副騎從就本處官屬差三獻官并選定近上官一十員導引冊輿如不足以次官充並公服本處差捧冊官二員讀冊官一員至廟門外步入廟中玉冊帷

次冊使副奉玉冊袞冕入次訖改服公服禮生贊引三獻官致祭樂作降神如今祭嶽鎮之儀應本處官屬並公服陪位立班北向以西為上三獻官致祭訖禮生引冊使副出自幄次奉玉冊袞冕由正門入持節者去節依前導樂作升殿上門西褥位樂止玉冊在前充冕次之使副立於其後禮生贊拜殿下官屬並再拜禮生引冊使副當神座前言具銜某奉勅旨冊長白山神為興國靈應王賜玉冊袞冕言訖稍西立副使奉冊案詣神

前置褥位訖少退西立禮生引冊使至案南捧冊官跪
捧冊讀冊官跪讀冊訖樂作副使及捧冊官同奉冊匣
入殿內安置訖出立殿外少西樂止禮生又引副使奉
袞冕至殿門外褥位北向冊使副同奉入殿樂作至殿
內奉安訖置於匱出立殿門外少西樂止少頃禮生引
使副降殿持節者加節衣前導以出復門外位送神樂
作一成止禮生贊拜殿下祝官及羣官皆再拜以次退祝
官焚祝板幣帛如儀

封冊用八月二十日戊辰如有妨礙用二十四壬申日

每歲於春秋二仲月擇日降香致祭

元擬春祭東方嶽鎮時差走馬人送

祝板委本屬長武官致祭奉特旨興國靈應王每歲兩次降香再檢用唐會要開元十一年四月勅霍山宜崇飾祠廟秩視諸侯晉州刺史春秋致祭典故

冊文

維年月日皇帝若曰自兩儀剖判山嶽神秀各鍾於其分野國將興者天實作之對越神依必以祀事故肇基王迹有若岐陽望秩山川于稽虞典厥惟長白載造我

金仰止其高實惟我舊邦之鎮混同流光源所從出秩秩
幽幽有相之道列聖蕃衍熾昌迄於太祖神武徵應無
敵於天下爰作神主肆予冲人紹休聖緒四海之內名
山大川靡不咸秩矧王業所因瞻彼旱麓可儉其禮與服
章爵號非位於公侯之上不足以稱焉今遣某官某持
節備物冊命茲山之神為興國靈應王仍勅有司歲時
奉祀於戲廟食之享亘萬億年維金之禎與山無極豈
不偉與

祝文

蓋以發祥靈源作鎮東土百神所寰羣王之府勢王吾
邦日隆丕緒祀典肇稱寵章時舉顯顯真封巖巖祠宇
神之聽之永膺天祐

雜錄

十四年六月建畢正殿三間正門三門兩挾廊各二間
北廊准上惟不設門東西兩廊各七間東廊當中三間
就作齋廳神厨三間并添寢殿三間貯廊三間

十三年十月于錫遣千戶下差人丁多者兩戶看管免
雜役浮泛差使

十五年閏九月看廟二戶於上戶內輪差周年一替千
戶謀克行禮

十五年五月勅長白山興國靈應王依五嶽例降香檢
討到唐開元禮諸嶽鎮每年止是一祭各以五郊迎氣
日祭如立春祭東嶽是也又大定四年祭五嶽禮儀內
下內藏庫進請祭嶽御封香合依奉今年正月初九日

勅旨長白山興國靈應王仰每歲兩次降香比准唐開元間霍山祠廟春秋二仲月致祭典禮長白山係興王之地如每歲兩次降香嚴奉祭祀可以副國家尊崇名山之意若依五嶽例降香亦合內藏庫進請御封香合外五嶽惟是號祝板進請御署海鎮並不進署今來長白山王合進請御署其牢醴用羊一豕一酒一籩豆簋簠依常禮其祝板止合依海鎮一體

大金集禮卷三十五